

隱山記

吳武陵

西出門里餘得小山山下得伏流顧曰石秀水清其韜怪物耶
乃蹈履北上四十餘步得石門左右劔立矍然若神物持之自
石門西行十步得北洞坦平如室室內清縹若繪積乳旁溜凝
如壯土上負橫石奮怒若活乘高西上有石窻櫺窻下望千山
如指自石室東迴三步得石巖巖下有水泓然疑虬螭之所宅
水色墨綠其澹三丈載舟可坐數十人巖之南壁有石磴可列
十六人其東若畎澮貫石流去不知所止北壁半穴如懸門徹
外容小舟出門有潭袤三十步產芰荷潭北十步得溪橫五里
徑二百步溪可以方舟泛鵝渺然有江湖趣魚龍濺潄鷗鷺如

道藏輯要

天下名山記
廣西隱山吳

三

軫集六
X三リ

豢溪潭之間有地丈餘其色正赤厯石門東南越小嶺石林危
嶠夾聳左右自嶺下十步得東巖自巖口直下二十步有水澗
一尺許淺沙若畫細草如織南望有結乳如薰籠其白擁雪白
巖西南上步飛梯四十級有碧石盤二乳竇滴下可以酌飲又
梯九級得白石盤色如玉中有自然水香甘可飲數人不竭自
石盤東北上陟雲梯十二級得石堂足坐二十人乳穗駢垂擊
之鏗然金玉聲堂間有石方如棋局卽界之以弈脩然不知柯
之爛矣自堂北出四步直西二筵南入小峽道峽得內峒東有
石室妙如刻畫頂上方井弱翠輕綠如藻綉自峒南下仰矚東
崖有凝乳如樓閣如人形如獸狀不知造物之所變化也自樓

閣斗下七步次石渠渠深七十尺渠上爲梁曲折繚繞三百步
遠日月所不能燭矣左右列炬而後敢進自梁直南抵絕壁斗
下爲飛梯九級而後及水水北涯有石閣峭甚蓋以欄檻適可
宴息水通魚船東出朝陽西隔黝黑方谷如鑿投之石聞波聲
響寒氣薄人自石閣還上絕壁西十步又得小峒俯行三十步
左右壁有鍾乳或垂或滴其極有石室如禪菴多白蝙蝠出小
峒北二十步又得外峒石色猶四崗東西壁下有石數十枚其
面砥平中有兕樽琴薦厥狀甚怪游人列坐肅若水霞其東有
便房桁櫨棋枰枝撐環合猶良工之椎琢也洞北七步臨西石
門石門西三十九步得西峒峒深九十尺北崖有道可容一軌

道藏輯要

天下名山記
廣西隱山吳

七
軫集六

崖南有水水容如鏡纖鱗微甲可數東過小石門東頰行三十
步詰屈幽邃道絕窮崖又寬明置水閣岸下閣勝九人閣下水
濶三十尺伏流崖南亦達朝陽自西峒口南去一矢得南峒四
壁可燕數十人其東有水輕風徐來微波蕩漾北上山頂盤曲
五百步石狀如牛如馬如熊如羆劔者鼓者笙竽者墳篋者不
可名狀石路四周而松羅萃於西北夫茲山之始與天地並而
無能知者揭於人寔淪於翳蒼又將與天地終豈不以其內妍
而外朴耶乃伐棘導泉自山曰隱山泉曰蒙泉溪曰蒙溪潭曰
金龜峒曰北牖曰朝陽曰南華曰夕陽曰雲戶曰白蝙蝠嘉蓮
生日嘉蓮曰雀來曰白雀石渠寒深若蟠蛟窟特曰蛟渠或取

其方或因其端幾焯乎一圓謀也爲亭於山頂不采臈倏然而
成憑軒四望目極千里高禽鷲獸蛟翔蟻走恍然令人心欲狂
又作亭於北牖之北夾溪潭之間軒然鵬飛矯若虹據左右翼
爲廚爲廊爲歌臺爲舞榭環植竹樹負脫囂滓邦人士女或取
宴適或景晴氣和蕭然獨往聽詞於其下嗟乎我俗旣同我風
旣調茲亭與人物共之則不知古之甘棠其類是耶

道藏輯要

天下名山記
廣西隱山吳

卷一
軫集六